

Sàrrabus: A Iscola de launeddas



S' Iscola Cìvica De Mùsica de su Sàrrabus est una istitutzioni dedicata a sa difusioni de sa cultura musicali in su territòriu de su Sàrrabus. Oferit cursus individualis e de grupu. Ocannu, s' iscola est cumentzada in ritardu. Ma imoi is letzionis funt regularis. S' Iscola sighit sa missioni sua de difùndiri sa cultura e s'arti musicali, su prus imesu a is giòvanus. In s'oferta formativa funt presentis cursus de batteria, bassu elètricu e contrabbassu, càntigu modernu, chiterra clàssica, chiterra moderna, clarinetu, flàutu, launeddas, organitu e fisarmònica, pianoforte clàssicu, pianoforte modernu, sassòfunu, trumba e violinu.

S' Iscola Cìvica de Mùsica de su Sàrrabus amànniat s'oferta formativa ativendi su cursu individuali de is launeddas. Su docenti est su sonadori famau Andrea Pisu. Su cursu est pentzau in diversas tapas, si cumentzat cun is rudimentus organològicus de su strumentu , cun s'obietivu de fai e imparai a su discenti sa tècnica de torrai su sùlidu , a pustis sa ditegiatura e sa pràtica. Si cumentzat su stùdiu de su repertòriu religiosu e a pusti is ballus.

Andrea Pisu, su maistu, imparat is launeddas a s'edadi de 10 annus, gràtzias a unu cursu ispecìficu organizau de sa Proloco de Biddeputzi. Aprofundit su stùdiu cun su maistu mùsicu Aurelio Porcu. Fundat sa conoscèntzia sua de su linguàgiu traditzionali, istudiandu registratzionis bècias de is maistrus mannus Antonio Lara e Efisio Melis, A Pustis, Pisu, arenescit de andai prus ananti de is cànonis clàssicus, movendisì intra sa traditzioni e innovatzioni.

Su cursu de su docenti Andrea Pisu proponit de intrai in manera aprofundida in su mundu de is launeddas cun custu programa : stòria de is launeddas, guida a s'iscurtai, Insegnamentu de is tècnicas diferentis de esecutzioni de is ballus e de su repertòriu religiosu. Anàlisi de is nodas e is variatzionis.